

تورک بوروی



1: 1322, 24, 24, 1960, 1: 1

تورک لک فائده سنه چالشیر اونیش کونده بر جیقار

بیم ترلی آلمی اصالتی بر انسان ،

وقاریله قالدیرتیر .

بوساعتده طویدیغ یورغونلقلر هپ کیدر ؛

برسس بکا ایچمدن : « چالیش ، چالیش ، چالیش » . دیر .

~*~

یان ، اوجاغم برکونش علویه یان ، پارلا ؛

کوزلرمی برحراپ نوری کبی یالدرلا .

یان اوجاغم جان کوستر ؛

بر آنانک مبارک باغری کبی سسلر ویر .

اوزوجی

« ولدجلی افندی به »

بویوک آطاده . تموز ابتداسی . اوکله اوستی . کونشک آریوب طوبراقلری ،
پاراقلری قاوریوب قاووردینی بیر کون ؛ کوکدن دوکولان صیجاق ، یاناقلری
یاقییور ، کوکسلری آزییور ، نفسلری طیقاییور .. آلله طوتوله بیلیر بیر آلهو
حالنه کلییور . اورتالاق کوزلری قاماشدیره جق درجه آیدینلق . قارشیده کی
چاملر یانیق ، سیاه برلکه کبی طورویور ، بو قدر نوره طایانه مایان کوزلر
سونویور وقایانان کوز قاپاقلری آلتنده قیملداتمق ایسته مییوردی . یر ، کوک بیر
قور حالنده ایچین ایچین یانییوردی .

بایقین ، کنیش سکوتک ایچندن تا اوزاقلردن ، اسکله طرفندن عکسلر
حاصل ایدهرک قورقونج ، وقور بیر صدا کوکره دی :
قاآرپووز !! قارپوز !! ...

کوشکلرک جاملرینه چارپه رق ، چاملرک تپهلرندن آشه رق ، قیزغین بیر

قارقال مهابتیه طاعلرک صییرتلرندن اوچان بوسسدن ، اورکن بیر کومه
کولرجین قارشیکی چاملقدن هوالاندی .

قاآرپووز !...

بوصدایه نظام طرفندن دها دیک ، دها ایری بیر سس عکس صدا کیی

جواب ویردی :

چاآوووش !...

سکوت !... صانکه بودیک ، قالین ، بویوک سسک عظمتندن موجودات
برناییه ایچون ، اورکش ، تیره مشدی . سکوتک آلتنده سینمش طوران
طاغلره ، دکیلره بویکی سسک یوکسلکی حاکمدی .

چاآوووش !... چاآوووش !...

سسی قدر یوکسک وجودی ، دکیمی وقیر صاقالی ، آچیق ویلیق کوكسی ،
قالین توزقلی بالدیرلری ، صاف چهره سی ، آرقاسنده سکسان اوقه چکن ایچ
ایجه کیمش ایکی کوفه سیله بورجلیت هیکللی شیمدی قارشیمده طورویوردی :

— بابا ، سن قوماندا ایدر کیی اوزوم صاتیورسین . سسک کورله یور !

— باغیر میورم که ...

اوزومنی ویردی . یوقاریکی تپه یه طیرمانمه باشلادی . اطرافی چینلاتیوردی :

چاآوووش !...

بن بوسسه ، بوسسی حاصل ایدن جوهره مفتون ایم .

شیمدی یانمزده کی زقاقندن بیر صاتیجی دها کچیور : «دانته لاجی دانته لالا»
بیر آز دها اوزاقدن «چالی فاصولیه ، کمر پاطلیجان !» سسلری آچاقلرده
پایتاقلانه رق یاییلیور بونلرک اوستنده اوچان «چاآوووش !» آوازیئک یاکنده
بوییرانمش چاتلامش سسلر نه قدر عاجز ، نه قدر پست قالیوردی .

اولک آرقا پنجره سنه قوشدیم . اوزومجی تپه یه وارمشدی . یولک کنارنده
قایانک اوستنه کوفه نی قوییدی . آلاینی بلنده کی قیزیل قوشاغنک اولک طرفنه
صوقدی . آچیق کوكوسی ، چیلاق ، سرت بالدیرلریله برقوت آبده سی
وضعیتنده طوردی . متکبر ، قالین قاشلری آلتنده متحکم آغیر دونن ایری

كوزلرندىن فيرلايان نظرلريله ، مرمه نك طالعه لرينه ، قارشىكي ساحله ، ماوى كوكى ، لاجورد دكيزيله ، آلتون كوپوكى ، كوشك ايشيغيله ماوى كوزلو ، صارى صاحلى بير قيزه بكزين سويللى ، سوكىلى يوردىنىك طاشنه ، طوبراغنه درين درين باقىدى ... بوباقىشده كى اسرار ، بوباقىشده كى فرياد ، مملكى ايجون :

« الله ! ديديم ، ياتاغانه دايانديم ؛

« بن سنكىچون آل قانلره بويانديم . »

يىتىك مغرور بير مالى ايدى .

پنجره نك اوكنده بوجانلى قلعه يى حيرتله ، حرمتله سيرايدىيور ؛ بونك قرعه نفرى حالنده اوستنده ماويللى ، قيرمزىلى يىنى صارىلىش قالدسز ، بوسكواسز فىسى ، آياغنده ييرتيق چارلغى ، صيرتنده قويون پوستدن طاغارجنى اولدينى حالده صيره يى بوزمامق ايجون برقوزوكى سكيرته ، صچرايه حربيه نظارتىك بويوك قابوسندن ايجرى كيرديكىنى كورووردىم .

بوكون اوچوق بكيىكله ، ييرتيق چىكىكله يىروطن قربانى تسليميتيله كيرديكىك دولت قابوسندن ، عسكرواچاغندن ، يارين بىكى لباسكه ، قيزىل فسكه بير آمر قوروميله چيقارسين ! اوزمان بوكونكى ضعيف ، يارين قوى بيرقهرمان اولور ؛ باصديغك يرلى تيره تيرسين .. آتك ديزكىنى قاورياوب ، قيليجكى چكديكىك ، تفىكىكى اوموزكه اوروب ، سونكوكى طاقدىغك وقت بوكونكى كويلو ، يارين قورقونج برعسكرو اولور ؛ عاصىارى سينديريرسين .. تارلاكى چاپالار ؛ داواركى كوددركن حقارت كورورسهك بوكونكى قويون ، يارين ييرتجى بير قابلان كيسيلير ؛ يوواكى بوزانلرى آزه رسين .. سنى بويله بر آن ايجنده دكيشمش كورنار صانيرلر كه بوساغلام وجود يالكىز عسكرو لباسى كيىمك ، بوسرت پنجهلر يالكىز سلاح قوللانمق ، بوقالين سس يالكىز امر ايتك ، بوكنىش كوكس يالكىز سپر اولمق ايجون يارادىلشدر .

سنىك اوطابور حالنده بر پولاد كىتله سى قاتىلغنده يوروركن طاقدىغك او صلابت ، اومهابت ، اووقارى كوروبده سكا كوكل باغلامامق ، سكا كوكىنمه مك ، سنى سومه مك قابل دكلدر .

سن کوربوز نینه نك ، کور و تمیز سودینی دها امرکن عظمت نفس ، علو جناب ، عناد و تحمل ، اطاعت و تحکم کیی امر اولمق ایچون یارادیلش برجنسک فضیلتلرینه مالک اولمش سین . بو حاکمیت اساسلری باشقا ملتار مکتبلرده ، مدرسه لرنده آکلارلر . سکا بو مزیتلری نینه نك ایری سیاه باقیشی ، بابانک کوکره ین دیک سسی ، قرآنک اسرار انکیز آهنگی اوکرتمش .

بیرتیق پوطورکله ده وقورسین ؛ محکوم اولسه کده حاکم سین ، تمقدن زیاده تجربه میالسین ؛ فکرکده عزمنک کیی ثابتسین ؛ سرت سین ، سرتلککده بیر قابالقدن ، بایاغیلقدن زیاده بیر آمریت قوتی ، نجات لا ابالیلکی واردر . حدتله ییلدیرم کیی کورله دیکک حالده رقتله بر بلوط کیی آغلار سین ؛ صافیتده بیر ملک ، اصرارده بیر دیوسین ... اونک ایچون دنیا ده آشی بولونماز بیر ملت اولمش سین . دوشوندیکک زمان بیر آرسلان تمکینله آغیر و سناکن طوروشکدن ، قیزدیغک وقتکی عزیم وشدنک آکلایشیماز . اوزون کیرپیکلرک آلتنده اوتانغان و طورغون دوشون ایری کوزلرک بیر کره آچیلما سین ؛ قالین قاشلرک بیر کره چایلما سین ؛ اوزمان وارلک ، بئلکک کوپورور ، طاشار ؛ اوزمان جبروتک ، حشمتک پارلار ، یوکسلیر . اوزمان جبار اولورسون . بو عجیب سرخلقتکی بیلیمینلر ، یاگیلیرلر .

بویوکلره قارشى صایغیک بالذات صایلمنی سودیککدندر ؛ مطیع اولماک ، مطاع اولمق ایسته مه کدندر .

اینجه ایشلره آلیشمغه وقتک اولماسه بیله زور بازویه باغلی تشبثلردن لذت آلیرسین ، قارا طور اقدن ، آق اتمککئی چیقاریرسین ،

فکرکده معند ، اعتیادکده معند ، محبتده معند ، محاربه ده معند سین . یگیلکده چابوق آلیشماز سین ، فقط بیر دفعه ده آلیشسه ک بیر اقا ز سین . صاف سین ؛ سنی چکه مینلر بوبورله نمکله دکل ، اکثری سکا یالتاقلاقمقله سنی اضرار ایدرلر . آیاقلرک ، قوللرک بیر بوغا کیی آغیر آغیر قمیلدارکن طورندن توکنمه ین بیر تحمل ، ییلمیان بیر عزیم آشکار اولور . اوانکین دیکزه بکزر سین که یاواش یاواش جوشار وجوشجه ده پک یامان ، پک خیرچین اولور ...

منفعت پرست دكلسين . پاره دينيلن، ساخته بروسيله سعادت اولان معدن پارچه سنه اعتبار ايتزسين . صوچك بودر . مسرفلكي ايجاب اصالت بيليرسين . وقارك بنگلكنگه غلبه ايدر . جاناني جاننه ترجيح ايدرسين . اكثري باشقالري ايچون ياشار ؛ باشقالري ايچون چاليشير ؛ باشقالري اوغورينه ئولورسون . باشقالري سنى بكنديكى حالده سن كنديكى سومزسين . نهمان كويكده ، اوكنه بير اوكلك قويوب بير ماكنه باشنه كچهك ، نهوقت آلگه يركار آلوب ماصايه ياسالانهچقسين . نهمان دكانك دستكاهنده سرمايه كك فائضنى حساب ايدهچكسين ...

سندن بونی بكه يورلر ، سكا بوقصوري بولويورلر... فقط وقت قالليورمى؟ كيسه كى طولدورمق ايچون دكل قارينكى طويورمق ايچون قوللانديغك صاپانك دميرنى تارلانك اورتاسنده بيراقوب تفتكك چايكنه صاريلليورسون... اوسرحدن بوحوده قوشويورسون .. بلغارستانده ئولويور ، يونانستانده ئولويور ، عربستانده ئولويور ، كردستانده ئولويور ، عجمستانده ئولويور ، صربستانده اولويورسون؛ يالكيزيوردكده ، كويكده ياشايه مييور ، ئوله مييورسون . سوكيليك عايشهچكى طويه طويه اوپه مييور ، ياوروك محمدچكى سوه سوه بويوته مييورسك ...

بير اوولو چنارسين كه قيريلير ، ايكيلمزسين ؛ ئولور ، ايكله مزسين .. قانككه چوراق قوملقلى صولاركن اتمككى آلينكك ترگه باطير ، بير ، ينه دشمن قارشيسنه ياره لركله برابر هريرده بير استحكام كيبي چيقارسين ... سن ظالم هييتنده بير مظلوم سين ؛ ينهكك ، آنانك بوجاغنده بير غريب ؛ آنانك ، باباكك قوجاغنده بير يتيمسين !...

طول آنارله طولو اولان شو آناتولى يراوكى ينه قدر سكا جفا كاردرد... سن شرق قينه كيرمين بير قيليچيسين ؛ دوكوله ، دوكوله تاولانير ، اوروله . اوروله قيريليرسين . ينه هر پارچه كدن بير قويلجيم ، هر قويلجيم كدن بير شيمشك چقار . الهى بير قوتك ، ابدى بير فيضك وار ، اى تورك !...